



Yw 21st Oct 1898

大清光緒廿四年

本館新開除禮拜外每日出報一
紙外埠均可函致本館取
閱如外埠閱報加寄費不
也除日本英法德俄美各國
惜工本從廉採辦釘書裁
刊印各書以待與英各紳
體活字及各式花邊等延
西人排印工藝甚精所有
印字大小機器均用精工刊

第五千零七十四號

報叻

(號七第牌門口虱巴舊在設開館本)

印工級絕倫並延有文士書
寫各體文字現由上海購到
各種書籍出售其書目另行
刊佈所有各項原稿其相宜
本館所登來札原稿其有無
世道人心者附登否亦須無
礙於人而後始錄其有謾罵
成文以及支離費解者概不
登錄嗣後諸君來札尚祈
自諒更須寫真里而後敢
將原稿收回也本館謹白

戊戌九月初七日

大英一千八百九十八年十一月十一號(五拜號) 每張售錢五文 每月一元 每日每字一仙

上諭恭錄

八月十八日奉 上諭直隸布政使着廷杰補授延雍着補授奉天府尹長盧鹽運使着萬培因補授欽
 此○同日奉 上諭河南開封府員缺緊要着該撫於通省知府內揀員調補所遺員缺着文梯補授欽此
 ○八月十九日奉 上諭直隸大順廣道員缺着龍鴻書補授欽此○同日奉 旨正黃旗漢軍副都統著
 訥欽泰補授欽此○同日奉 硃筆查正藍滿軍旗務著麟趾去欽此○二十日奉 上諭內閣學士兼禮
 部侍郎銜著溥廷補授欽此○同日奉 上諭刑部左侍郎著李培元調補徐會澧著補授吏部右侍郎兼
 署戶部左侍郎並兼管三庫事務仍在上書房行走欽此○同日奉 上諭奎俊奏特恭庸劣各員請旨懲
 處等語江蘇太湖道同知趙毓忠長恩無能緝捕不力寶山縣主簿吳庭瑞庸鄙不職昭文縣白茅司巡檢
 倪錫慶擅受民詞太倉州甘草司巡檢陳輝昇縱丁擾民丹徒縣陞港口巡檢許祖純昏庸荒謬高家鎮巡
 檢姚錫慶貪詐無耻青浦縣察濠巡檢杜耀光聲名甚劣宜與縣典史馬長慶膽大妄為均著即行革職寶
 應縣知縣鄭付才欠開展着開缺另補以示懲儆餘着照所議辦理該部知道欽此○二十二日奉 上諭
 出使日本大臣黃遵憲因病請開去差使江南道監察御史李盛鐸著賞給三品京堂候補派充駐紮日本
 國二等欽差大臣欽此○同日奉 上諭袁世凱奏藩司因病請開缺據情代奏一摺員鳳林著准其開
 缺湖北布政使著善聯補授欽此○同日奉 旨此案着交奎俊督同臬司提集人証卷宗研訊確情按律
 定擬原告同民馬生貴該部照例解往備質欽此○同日奉 上諭都察院奏革員在逃請飭嚴拿一摺已革
 副將金鳳岐本已交地方官嚴加管束之人前因私行來京在都察院呈遞條陳當經諭令該衙門遞回原
 籍茲據奏稱該革員住居無定是否開風遠颺抑或隱匿他處著步軍統領衙門順天府五城直隸總督江
 蘇巡撫一體嚴拿解京毋任漏網該衙門知道欽此○同日奉 上諭巡視南城御史英壽等奏拿獲鄰境
 搶劫盜犯請交部訊辦一摺所有拿獲之馮舜即隆兒劉星祖黑仔三名著交刑部嚴行審訊按律懲辦未
 獲之張俊仔即老道著嚴緝務獲究辦所有會同原拿此案之文武官紳着候刑部定案時聲明請旨欽此
 ○同日奉 上諭湖南巡撫著俞廉三補授毓賢著補授湖南布政使山東按察使著景星調補錫良補授
 山西按察使欽此○同日奉 旨此案着交俞廉三督同臬司調集人証卷宗研訊確實按律定擬擬抱告民
 人李松該部照例解往備審欽此○同日奉 上諭戶部左侍郎兼管三庫事務着曾廣漢署理徐會澧毋
 庸兼署欽此○同日奉 上諭袁世凱奏永定河伏秋大汛搶護平穩獲慶安瀾一摺永定河本年伏秋汛
 內迭次盛漲經該河道督同工員設法搶辦河工一律平穩現在節逾秋分仰賴 神靈默佑獲慶安瀾實
 深寅感發去大藏香十枝着該督祇領交永定河道許垂滋虔詣 大王廟敬謹祀謝以答 神庥餘着照
 所議辦理該部知道欽此○同日奉 慈禧端佑康頤昭豫莊誠壽恭欽獻崇熙皇太后懿旨國家振興庶
 政尤賴封疆大吏深維至計共任仔肩各省督撫實心任事者固不乏人而養尊處優狃於積習者亦或不
 免方今海宇未奠內治宜先深官宵旰勞無時不以國計民生為念該督撫等身膺重寄受國厚恩舉凡
 飭吏治培人才開利源修武備皆分內應辦之事應如何因時制宜力求實效其各悉心籌畫詳細奏陳務
 期實見施行不准空言塞責州縣為親民之官宜重其選近來各省仕途冗雜奔競成風非激濁揚清不足
 以昭懲勸各牧令中有盡心民事卓著循聲隨時報奏其貪劣不職聲名平常者亦即據實糾參至於練兵
 尤為急務各省防營不無習氣統軍將弁亟宜振興士氣勉以忠義認真操防而營中尅扣之弊尤宜痛除
 務期臂指相聯緩急足恃用備折衝禦侮之用總之朝廷勵精圖治尚實政不尚虛文該督撫等惟當破除
 錮習勉矢公忠方為不負委任倘或因循諉卸貽誤事機責任攸歸自亦難辭重咎也凜之欽此○同
 日奉 慈禧端佑康頤昭豫莊誠壽恭欽獻崇熙皇太后懿旨前明舊章凡不應奏事人員仍不許擅遞封奏如
 日達聰務務法苑蔽若概令條陳時務不免議論紛淆當經申明舊章凡不應奏事人員仍不許擅遞封奏如
 其中更有足資采擇者亦已具見施行現在時事艱難萬幾待理拾遺補闕端賴巨僚嗣後有言責諸臣務當
 共獻嘉謨各行讜論凡有關於國家大計者指陳得失不得自甘緘默果係心存君國直言無隱無不曲予
 優容倘若消亂是非徒事攻訐亦必治以應得之罪為公為私自難逃朝廷洞鑒也欽此

法電譯登 ○本坡實得力太晤士西報接初五日英京發來電報云法國海軍提督波尼亞前隨海軍大臣祿來往查各處海軍事務茲該提督已接到法廷之諭着即過返都倫而法廷并經預備鐵甲戰船四艘前往勿禮士地方聞其所有此舉動之故係因與英交涉之事所致云云

識見過人 ○昨接都門來信云當俄德英三國撥兵北上之際曾將此事請於日本公使惟日使不從據云此等事勢尚非必須撥兵保護之時云云善乎日使之見洵可謂加人一等矣

搜查軍火續聞 ○昨報總巡捕官親至班國輪船猶拿刺士查捕軍火一事茲悉該船於初五日業經冥索果無軍火故初六早已准令啟行矣

北京近耗 ○上海字林西報接北京消息言 皇太后近已降旨將疑是維新黨之員概行黜革又將各處報館查禁且復用八股之文又言 太后力將維新黨人員具有奏摺言事者詳細登錄其姓氏次第查辦二十六日北京又傳自聞康主事有為逃歸香港為英保護之耗後即調宋祝帥統軍八千屯駐山海關又調江蘇將軍屯兵一萬二千名於北大河又調天津將軍帶兵七千名屯守大沽又調某將軍帶兵八千屯於大沽西南某口恐外國有滋擾之舉云云噫外國若無滋擾則已倘有滋擾則此區區數萬屠兵何濟於事不過往供饑頭顱而已可慨也哉可笑也哉

黃觀察恩釋郵音 ○頃接上海來信得悉黃公度以被控扣留之事已作罷論其所以除去使日之差者乃因病告辭經已奉有上諭敬謹登錄本日報端現聞觀察仍在洋務局辦事以道臺本品級用此尙可謂 朝廷寬大之恩也

剛需柔克 ○西九月十六號北京來信云皇上聖躬虛弱而好動不好靜少不適意憤怒隨之即觀其變法上諭有數起不憚煩勞果斷明決為中外臣民所敬嘆惟性急若羣臣奏對失宜則不肯假以顏色天威咫尺隕越堪虞每當臨朝嗟歎痛恨庸臣誤國徒託空言無裨實濟而軍機大臣王文韶諫阻停止捐例謂捐例一停勢必各項經費無出竭力進諫詎料大拂聖懷盛怒之下即以硃石擲去王文韶惶恐不知所措左右侍臣代王跪求天威始克稍霽云

轉圜得力 ○京友函報云聞革員張蔭桓由德皇傳到急電力為保全經總署代達天聽故十一日有暫行看管之諭刑部遵旨擬張出獄為之掃除一舍妥為安置又聞 皇上聖躬時有不豫 皇太后命居南海瀟臺靜養休息禁垣外每處增設兵丁二十名往來巡查日夜不息門禁亦較常嚴緊

西報駭言 ○本月初一日香港華字日報云廿八日有西報接上海來電言張樵野革員經已起解新疆到第五站驛忽奉太后密諭著即就地正法云事之確否未敢臆揣就西報譯出以俟續聞

盡付祖籠 ○康工部在逃後旋有 上諭著學督譚宮保焚其所著之書並燬其板官保遵諭會飭南番兩宰按查各節前經登錄現聞譚宮保將在廣府學宮康館內暨惠愛六約康氏宗祠內所搜出書籍共三百餘箱繳縣候 旨隨接電諭着就地焚燬不必解京宮保遂如祖籠投以一炬慨等身之著作由嘔血而得來方擬畧補震瀆作支那之治譜並欲蹤道關里為盛世之奇書而乃邊幅不修圭角太露禍延文字楊子雲之覆瓿難期化作劫灰盆成枯之殺身不免是何笈秘會誇二酉之藏無任縷細盡付六丁之火此豈康有為師弟初念所到者歟又聞南邑宰董明府前曾飭差至康之故里搜捕則族人均已遠颺祇剩空屋數間荒涼滿目屋內亦無甚要件祇有生鏽鎗數支各差携回用以繳案而已錄中外新報

日皇傳電問好 ○日本皇因聞外務大臣奏稱中國帝室有猝起變端之信頗繫慮念即勅宮內大臣於二十四號午後二點鐘電至中國使署恭問 中國大皇帝聖躬安否又復電至中國總署問 大皇帝安好譯朝日報

條約未成 ○日本東京接華盛頓電報云美國派往巴黎與西班牙即日斯巴尼亞國使議和大臣現議定索款三條 一飛獵邊羣島內之小呂宋須讓與美國管理 二日斯巴尼亞人民在小呂宋羣島貿易所得各項利益美國人民須一律均沾 三日斯巴尼亞屬地以後不准再與別國其第一條日國不肯應允以小呂宋島為飛獵邊羣島最大之地故決計不能讓與美國如讓與美國則教民必至羅馬教皇處上控日國民心必形慌亂第二條貿易均沾一項亦難勉從緣如此則關稅必大為減色所入稅則不能敷用第三條恐亦不能應允因日國度支窘急擬將屬地售價應用現聞德國擬向該處購地一區德國之意則因美國東方權勢漸大頗生疑忌之心故必須於飛獵邊羣島中購買一島也

漢口火災再述 ○昨報所錄漢口大火一則乃據西報譯登茲接來信內言尤詳爰再列之按漢口緝捕營城下東嶽廟一帶地方編茅為屋鱗次櫛比最懼火災去月十六日東方未白某姓因賭起釁互相毆致將洋燈擊倒吳回氏遂乘隙而入是時風力又大一轉瞬間四面皆火無路可逃旁有深湖一道長幼男婦皆思覓水以避然千百中獲生全者不過數人事後經人撈起屍如山積殊令人目擊心傷火既將

蓬屋悉數收拾然後截分兩路自起火至救熄歷時不過廿四點鐘而所燬大小舖戶民居總約在數千家之外人之淹斃者火焚者壓傷者沿途踏死者不計其數荷無東風助虐為禍當不至如是之烈計漢口一區幅輒不過一十五里今火路已長至六七里全局已去一之矣海數十年來罕見之奇災也以風力過勁洋龍廣龍無從施救計自燬者數架通鎮閉市一日入夜餘燼未熄水會中人竭力澆灌

○俄國皇后頒諭禁止福晉命婦及宮中婦女吸烟聞此諭一時甚為譁噪當即聯名稟請俄皇收回成命畧謂歐羅巴洲諸國均准婦女吸烟即如俄皇之妹亦染此習况各國皇族並不禁止吸烟故請收回成命云

榕峽劫輪 ○梧州自通商後輪船如雲脚尾不絕然水道千里波濤多歧落曲沙迴荏苒符易警八月十九夜四鼓時有某公司輪船由省往梧州經肇慶三榕峽水廟地方土名華光頂海道突有小艇數艘稱稱附船司機者不知其詐也緩輪而行以待其至及至兩旁環集徑撲該輪先後躍登則有匪徒多人禁嚇大伙賊師及輪上諸客肆行掠劫一空所有自行駛輪拍岸而登其匪由陸路逃遁輪中人被其挾送投鼠忌器不敢開鎗遙擊任匪自去高要馮邑侯查知其事懲賞購緝謂仰縣屬軍民人等有能拿獲本案真匪正匪解案者首犯賞給花紅銀一百大元從犯每名賞給花紅銀五十元知縣報信引拿並查起竊主解案每名賞給花紅銀三十元銀封存庫犯到訊明即給決不食言云云

輓聯誌哀 ○蘇報云昨有泗羅行吟客投書本館云聞蘇報載楊深秀楊銳林旭譚嗣同劉光第康廣仁六君子皆以維新獲罪駢首市曹不禁為之隕涕太息按劉楊三君言論風旨有古烈士風而林又為文忠後人人問文章論者命謂其克繩祖武譚則經濟優長不讓曾左二公時人皆以第一流人目之康之文采亦綽有可觀皆以新進即受誅夷天下哀之有好事者作聯弔輓意在言外實足慰六君子在天之靈特錄之以供眾覽其聯云龍比酷刑岳于慘戮昔人禽爾君又何尤魂魄如有靈不悛正學先生矢口問誰人竟把地球輕播弄大野戰龍中原斯今也再見國家正多事莫學子胥相國留眼看越寇飛來又感時一聯云變生東亞禍及西歐大力屬誰人竟把地球輕播弄大野戰龍中原失鹿羣生作芻狗好從方外著逍遙○又聞中浮海客有叩東幼博通判廣仁詩云一死轟轟亦國殤魯戈何力反當陽青冥未信河山改碧血猶爭日月光時事至今偏爾汝黨人終古繫與亡孤臣功罪誰說史筆他年有短長

被竊報案 ○孟加里人孟勝生初六早赴案報稱住居臬署傍是早八點餘鐘時往浴房洗浴畢回房則見床席有異急為檢視始知失去銀紙四十五元銀籍一紙計銀一千三百元及放賬簿據一本內計放出之項三千餘元不知是誰所竊用特報聞請為查緝云云

府堂紀案 ○粵人何亞喜家住小坡武吉街初五夜有閩人李生盜竊其門前之白鉛水槽被何所見鳴捕執之解案初六日府尊提訊查李前曾犯罪三次因判將其監禁四閱月○車務局差穆拉油人亞末昨控車夫崗人郭和於案言郭牽手車在大馬路中來來往往因飭令向停車處停歇郭不惟不聽反欲行兇因特鳴捕執之等語府尊訊畢判罰郭銀十元無銀監禁十四日○小販閩人吳養前日負販而出值差以其礙路因欲執之吳出銀一角賄差故并被控於案府尊訊畢判罰吳銀四元○前報松栢東街第十一號門牌搜獲十二枝字據因將叻產閩婦觀觀執控各節茲悉此案於初六日復在府堂審訊計婦被控共有三條一為收藏十二枝字據二為以該屋與人開賭三則為十二枝賭徒牙爪也府尊訊畢命展至十二日再訊被告着仍責保五百元

受傷送醫 ○瓊人某甲初五夜十一點鐘時赴案報稱頃在路上開行詎忽被人持刃從後刺傷昏黑之際不知為誰云云業由差館送其赴西醫院中調治

驗屍二則 ○初六早有差在陽春園前草地內見有華人屍身一具臥於地上不知姓名有人謂係金門人羅姓不知是否同日又在梧槽地方查獲華屍身一具屍年約三十餘歲狀殊醜陋以上兩屍均已送院請驗矣

師漢齋印稿序 ○印之源遠矣古有官璽而無私印漢興諸侯王始有刊其名於印以示信者於是私印之風乃盛當時書刀之法猶在人盡能之無所謂鐵筆名家故漢印遂獨高千古然作印者玉為上金次之銀次之銅又次之他無有也後人推波助瀾每刊私印用於書畫間以示無偽而印學遂漸著迨倪高士取乳石製小印雕鏤雋語以供文房之玩一時士林宗之風乃大熾焉

國朝學術昌明文風丕振士大夫恒以稽古餘力兼攻篆刻乾嘉故老如丁鈞丁黃小松桂味谷輩皆以鐵筆鳴於時然鈞丁之作渾以超小松之作古以樸味谷之作動以峭各擅其勝以專所長厥後陳曼生太守乃萃諸家之勝而曲以傳之印雄奇秀媚卓絕一時然識者猶病其廊廟之氣深而山林之姿乏也此外如浙東生鄧山人諸子各出其法自成一家然求其能兼具眾長脫盡畦徑者渺不易得縱觀橫覽惟我多聞友 承翁葉子庶無愧焉

承翁遠於學問剛經柔史不事虛研經濟文章胥歸實用傍及琴棋書畫三教九流醫卜音律諸學靡不貫通而尤深說文金石之學所著之書除詩文集等外其言金石者則有古泉考證錄碑辨正錄字異同考諸種議論因博考據精詳洵能羽翼羣經發明史傳嘗以治學之暇從事書刀童而習之迄今二十有六年矣 承翁嘗語余曰學印之要有四一通小學小學通則知篆文來歷即遇難字而巧為裝配亦不紊乎字源所謂奇而不失於正也不然則亂繆多矣一辨宗派蝌蚪鳥蟲不容混紊古籀篆隸毋或錯參是為書宗漢圓浙方識尖鼓禿禿長黃短各不

送其赴西醫院中調治

驗屍二則

梧槽地方查獲華屍身一具

師漢齋印稿序

猶在人盡能之無所謂鐵筆名家

大夫恒以稽古餘力兼攻篆刻

焉 承翁遠於學問剛經柔史不事虛研

之書除詩文集等外其言金石者則有古泉考證錄碑辨正錄字異同考諸種議論因博考據精詳洵能羽翼羣經發明史傳嘗以治學之暇從事書刀童而習之迄今二十有六年矣 承翁嘗語余曰學印之要有四一通小學小學通則知篆文來歷即遇難字而巧為裝配亦不紊乎字源所謂奇而不失於正也不然則亂繆多矣一辨宗派蝌蚪鳥蟲不容混紊古籀篆隸毋或錯參是為書宗漢圓浙方識尖鼓禿禿長黃短各不

相侔是為家派凡此皆宜辨別不然則根源亂矣一講刀法某體宜用某法某派宜奏某刀皆有一定之方釐然不爽精神在腕規矩從心不然則體乖而派駭矣一戒篆石筆即是刀故稱鐵筆書而後刻即失其真况反書而正用之又安望其神氣之完故善鐵筆者恒以不書為貴不然則形存而神失矣知斯四者已得厥凡更蒐求古金石之文以擴其胸多見諸大家之作以開其眼印之能事畢矣其論如此故 承翁所刻之印精卓絕倫且復各體兼賅并不囿於一法支派既別神采迥殊無論金玉牙角竹根之屬皆善為之是能萃眾長以為長者印學至此洵可謂集厥大成也矣 承翁雖精此學惟雅不樂奏刀微論他人求之纂難甚即其自己所作書畫亦無印識同人常以為憾余特交好之篤每力爭之恒刺刺不不休 承翁不堪余擾始聚石而刊以百五十日之功而成是册以余能知其志爰命序而存之噫天下通材得如 承翁者斯亦可以已矣乃懷和氏之璧而委棄空山握夜光之珠而浮沉炎海使有用世之才用世之志而究未獲用世之一日徒令出其餘緒隱於方技文藝以自晦焉不亦大可悲哉余與 承翁交有年時從質正文字甚獲切磋之益而 承翁之學之才之志亦惟余知之最深今緣序其印稿不禁有慨言之請以質之 承翁其亦許余為知言否 光緒年月日南海愚弟霍朝俊鳳喬氏拜序時同客古桑佛國

審官定職摺 ○戶部候補主事臣蔡鎮藩跪 奏為請審官定職以成新政敬陳管見仰祈 聖鑒事竊維自來多事之秋專尚權宜而權宜不足以救危局也在及時而明其政刑三十年來日為自強之說日行苟且之法日差使日派辦日委署至今一切重要承辦幾無正官而內外大小衙門亦莫不官自官事自事無所考成於是功過難判然為二才品無由定賢不自渾清自好者守故常奔競者圖倖舉天下之才與不才同出於苟且之一術而時事遂敗壞至此 皇上振興百度締造艱難慨然於受事命官綜核名實近者裁汰冗濫宏拓新規並將外省局所一律裁撤淨盡是官與事分之弊已在 聖明洞鑒之中然今日言路雖開各陳己見尚未聞有兼總條貫統籌切實辦法仰副 朝廷規畫久遠之意者臣之愚陋以為非修官制不能定職守非明職守不能立考成非嚴考成不能責功效非收功效不能致富強竊擬審官定職事宜十八條敬備 采擇伏乞 皇上聖鑒謹 奏 謹擬審官定職事宜十八條敬呈 御覽 計開 第一條軍機處 中國之大弊曰無名實宰輔樞衡之任魏晉以來病其專擅一以他官典領豈知有權即能專擅懲責之弊莫如兼任故惟我 朝定制為最善 國初內三院皆設大學士康熙時改為內閣分其職而設翰林院雍正時又分其機而設軍機處內閣翰林院軍機處即初時之 國史院宏文院秘書院也惟軍機處因西北軍務而設未遑定官迄今百數十年管理 萬幾政事無所不統並非專辦軍務事平可議裁撤而現內政外交軍事繁重尤匪尋常輔弼責任宜仿內三院大學士均係本官之例改軍機處為樞密院或即名秘書院除親王貝勒 欽派管理無定員外設大學士若干員協辦大學士若干員一二三等章京各若干員秩約三四五品建衙署廣直房畧如內閣向來大臣多有部務差事早夜奔馳無復從容論思之暇雖未明而亦輒未明而一切要件決於片時此後新政章奏日益繁多變法 詔旨時須承擬及交議各項事件規畫必期精審既未可倉卒定議亦不能稍涉遲延而大學士等無簿書期會之煩自朝至於日中督同籌辦必能發掘勤業補救時艱仰贊開物成務之治矣 第二條總理各國事務衙門 萬國交通古今創局通則必久斷無復開之時往時未睹全球大勢近而通商遣使駐洋為時詭病故雖設總署不過差事衙門數十年人心之固閉已開我 皇上奮然維新欲合天下之聰明才智萃於外交內政之兩途而洋務無專官承辦各員皆由部院兼攝不足以新耳目而作其志氣擬請援理藩院例定為外務部除親王貝勒 欽派管理無定員外設大臣各若干員秩與尚書侍郎同一二三等章京各若干員秩與所擬樞密院章京同一等總辦二二三等管國股以外尚宜增置曹司一改海防股為海防司設郎中員外主事一復設行人司查 國初行人司司正正七品左右司副從七品行人正八品本於明制明時司正一司副二行人三百四十五後減為三十七順治十五年裁行人六雍正以後率土臣屬久乃全裁今五洲通好使才尤重使學尤急宜復行人司員數增其品秩司正從四品司副正五品行人六七品專掌使臣領事參隨繙譯及游學員生事宜並講求約章律例稅則公法使臣以下應通之學即以行人司為儲使才之地內外互相遷轉一設殖民司郎中員外主事掌南洋英法荷日各屬地東洋日本高麗美洲美秘智巴各城埠華商華工事宜及西北邊民入俄藏民入印滇民入越緬互市情形責成各該大臣督屬保護按季咨報夫通商大事也彼來我往乃謂通商必如是乃有益而無害中國誤在初開海禁不急務此退守至今遂難進步然閩廣商民自創之規模不可不力與維持因籌開拓將來內政修舉自強之基已立不難逐漸推廣挽回利權一設司務廳司務仍管現時該廳日行事件凡外務部官升轉不出外務與擬設樞密院俱歸三年察典不必按屆保獎未補之員到署行走如六部例 此摺未完

敬告求書 ○張君鶴樓鄒江之風雅士也幼就學於施少愚太史之門遂得筆法儒雅名噪一時茲因孫山落後偶作南遊於中秋節日抵叻行裝甫卸素耳其名者踵門求書如山陰道上應接不遑矣現假寓於豆腐街順昌隆行中余忝知交有素敬獻數言於報端以俾同好者知方換船焉可 光緒二十四年九月初六日 友蘭居士陳少亭佈 囑

欲借書記 ○做處現缺乙書記要晉江縣籍三十歲下須極熟算盤擅長律詩兼官場信札品行端莊方合願承斯之者祈到利峇峇里路茂林園屋內面商考驗技倆可也 光緒廿四年九月初四日 章瀚齋告白 三

聲明白告 ○啓者本號營謀店口之生理并出水至今有五十餘年之久與各寶號交易分文無差自丁酉年荔月間用甘仲在店元當雜役嗣命其暫理買貨及收數等事後因見其行爲不合故經將其辭出乃近日查得偷收積石仔裕美號去銀五元又偷收小坡允隆號去銀十三元又與福雙春頭家通知走路拖欠去銀二百餘元并且四佈謗言甚爲不法可惡至極業由本號赴案報明以候拘究茲時附報聲明其事 各寶號有與本號交易者若有賬項切勿誤交該辭伴甘仲之手而甘仲在外與人交易往來一切俱爲經手是問與本號無干先此聲明免滋後論 大清光緒二十四年九月初六日 長泰號謹啟

承頂聲明 ○啓者新嘉坡大坡貢石街門牌A廿三號張鈺生翁承同發號生意茲因張鈺生翁志圖別業願將該生意舖底傢器全盤頂與黃星南承受任從開張廣安泰字號經營柚木生理業已交易清楚倘張鈺生翁承同發號有與 各寶號來往數目惟向經手人張鈺生翁支理與廣安泰號無涉先此聲明免滋後論此佈 大清光緒廿四年九月初六日 廣安泰黃星南謹啟

帆船出投 ○啓者本號有和蘭旗一枝半桅帆船一艘名錦鯉堪載肆拾伍車船身及桅概是惹智柴船底銅板現泊在丹絨牛港內諸君如合意欲買者請移 玉至本號內相商此佈 光緒廿四年九月初五日 振芳號告白

退股聲明 ○啓者茲新嘉坡漆木街門牌第三十五號乾泰號並金榜大馬路門牌四百三十六號廣德生醬園今將全盤生理頂與兩益堂承受所有欠到各寶號貨項揭項借項會項一概歸兩益堂支理至本埠及外埠各寶號欠到乾泰廣德生賬項亦盡歸兩益堂收理特此聲明以免後論 光緒二十四年九月初三日 乾泰號 廣德生謹啟

承頂聲明 ○啓者茲新嘉坡漆木街門牌第三十五號乾泰號並金榜大馬路門牌四百三十六號廣德生醬園全盤生理貨物賬項舖底什物一概歸我兩益堂承受凡有欠到各寶號貨項揭項借項等件祈早日報明歸兩益堂支理至本埠及外埠各寶號欠到乾泰及廣德生各賬項亦盡歸兩益堂收理今兩益堂將乾泰及廣德生兩字號加多信記二字照常貿易凡以後來往數目俱用乾泰信記圖章爲據特此聲明以免後論 大清光緒廿四年九月初三日 兩益堂謹啟

石義泰茶庄告白 ○啓者本號茶庄在叻埠經做數十餘年向來貨真價實遠近馳名童叟無欺亦無分枝別開別號茲近聞有無恥之徒由滯辦有偽貨到埠沽賣假冒本庄銀針字號刊石義泰材記未審是否 諸君光顧請祈認明石義泰榮記圖號爲真以免魚目混珠倘有將茶冒認石義泰字號貪圖射利貽害匪輕俟查確實定必送官究治決不徇情姑寬亦斷不准在叻埠新埠麻六甲三埠沽售特此預聞 光緒二十四年九月初三日 星架坡豆腐街口大馬路門牌五十三號石義泰榮記謹啟

仰光華商捐助廈門平糶芳名錄 ○啓者茲接同濟醫院諸君經手仰光捐助廈門平糶捐款茲特錄登如左 經華號捐銀一百元 黃北珍公司題一百元 朱觀象捐銀一百元 同棧號捐銀一百元 伍恩學捐銀一百元 昆隆號題捐銀一百元 泰豐號捐銀五十元 廣協盛號捐銀五十元 恒興昌捐銀二十元 志南棧捐銀二十元 普乾元捐銀十五元 廣益和題捐銀十五元 振隆號捐銀十五元 雲南李春華銀十五元 杏林堂捐銀十五元 伍于隆捐銀一十元 人和堂捐銀一十元 同濟堂題捐銀一十元 廣永源捐銀一十元 公興號捐題銀一十元 梅立階捐銀一十元 協隆號捐銀一十元 光緒二十四年九月初三日 廈門平糶駐叻籌捐董事啟

賞格 ○啓者因潮州府海陽縣人邱隆合年二十二歲面肥唇厚露牙于去年四月尾由叻往廖內傭工緣伊家屬勢要迫伊回家故于十二月間特着人前夫道之不意隆合心不愿歸家至迫伊之人極力苦勸挽之而回不料返至中途而隆合私行逃走不知去向倘有人君子携帶回者認出無差即謝花紅銀三十元如知機報信者謝花紅銀二十元決不虛言 大清光緒二十四年八月二十九日 實叻牛車水公發棧謹白

湖北賑捐告白 ○啓者本坡駐審陽會館之局現遷瓊州會館勸辦前日分設水仙門裕昌隆店蔡翁慰農代辦刻下在瓊館亦係該店代辦耳 諸君欲捐請到瓊州館裕昌隆兩處報捐可無悞矣 光緒廿四年八月廿五日 勸辦湖北賑捐委員李謹啟

草聖暫駐 ○朝鮮尹君溪石草法本地人士已所欣賞今由吉龍而返叻現寓於單邊街新巨泰三樓開筆更駐一月動身其潤資均照舊例新到上海箋及金榜紙寄售 光緒廿四年七月十八日 啟

藥店召頂 ○啓者茲有藥店一間生理尙堪得祇以該店主人事務太煩不能顧及今欲將此店頂與他人承受有合意者請至叻報館面詢便得 光緒二十四年七月初三日 叻報館代啓

廈門平糶局駐叻勸捐董事公函

○公啓者昨接泗水美源號寄來駐泗勸捐董事諸君公函一紙捧讀之下虔悉一切至函內所云有人得聞廈地平糶法度未宜而嘉禾山地方不准告糶云云雖誦之餘頗爲不解夫事之是否須視證據以爲憑今更不必他求祇以廈地所設各局觀之查廈門平糶公局共有五處其在各地者且姑無論即以嘉禾之局計之亦有三處一在溪岸乃嘉禾山之中路一在廈門港乃嘉禾山之南路一在後崎尾乃嘉禾山之北路凡此各局之設皆係欲便嘉禾山人請糶起見此外復有林後社棧寮 會厝坡 江頭街三處分局是皆由各處好善君子欲取平糶之米以濟貧民因來本局商之即由局先撥米石前往以供平糶俟至米石糶出後始將所得之價繳回局中凡此概爲利便嘉禾山人而設又有雙福街橋頭街何厝社等處諸君亦欲移米往供平糶經已屆局領單惟至今尚未運米前往不知何故然即以上所言之六處則均已開辦平糶凡屬嘉禾山衆均可就近往糶則安得謂不准禾山之人請糶想 諸君子所聞之說或尙未詳悉此中底細情形耳又如來函所言每元購米官斗二斗七一節係照成本原價八折核算然此猶係初辦爲然迨後復以七折沽出將米價減至每元二十九斤若此辦理亦不可謂定價之高又如七月下浣本局平糶之米將完商探知其故即立將米價高擡每担漲至四元四角本局同人得聞其事即立飛函通知廈局再辦平糶廈局得信遂亦立發佈啟通知時諸米商聞之知難居奇故復將米價降落一日之內所降之價竟至四角五占於此觀之可見平糶一事刻斷不能中輟必須陸續辦米前往方足以供民食而免居奇屬在義舉故敢將詳細覆聞諸祈 鑒察願請 善安不備 大清光緒廿四年八月廿九日 廈門平糶局駐叻勸捐董事公啟

精製眼鏡廣告

眼科之理甚微筆難闡述約而言
之則人之眼目雖稟賦不一然每
至年老則恒兩目昏花此等眼
乃世人所不能免若非於少時預
戴精妙之眼鏡則不能常護其瞳
神也又如人生精神有限或因
書等類過耗目力每致頭痛神倦
眼目昏花故眼鏡一事在所必須
雖然若以平常之眼鏡用之不以
無益反足以耗瞳精始必須以製
造此法之眼鏡用之始能獲益於
造眼鏡之法可謂得精微所製
眼鏡前在英京及加刺吉打等處
售賣卓著聲名今到叻中在刺
酒店第五十七號房中暫行寄寓
諸君賜顧向新按址訪尋不勝
幸甚 西歷一千八百九十八年
十月十號 刺沙勝士謹啟

時雨軒藥酒發售

蓋聞藥酒之功用甚宏何以市井懸壺屢試罔驗此非藥酒之不效
殆亦所以製此藥酒者之未得其宜也惟本軒所製各項藥酒詳究
醫理細訂良方復選地道藥材購醇醪而醞釀故其奏功甚速迥與
別家不同即如道風去濕藥酒舉凡一切風濕等症服之皆效大樽
價銀五角小樽價銀三角及滋補百歲藥酒性非寒燥固本扶元服
之固可延年益壽每樽價銀四角又參茸三鞭藥酒如腎虧遺精體
倦神疲服之並可壯陽而種子每樽價銀八角又軍中跌打藥酒如
跌打刀傷積瘀暴腫服之併可舒筋絡而止痛大樽價銀一元小
樽價銀五角又婦人經期肚痛藥酒如經期不調肚痛白帶服之亦
可調經而銷瘀每樽價銀四角 以上各項藥酒皆本軒留心監製
屢試屢驗方敢出而問世所望 諸君沽而試飲方知余言不謬并
希認明招牌古鼎爲記庶不致誤惟本軒所擬各價係以平日所沽
而論至逢每月初二十六日照價九折以廣招徠 一本軒係在新
嘉坡牛車水大馬路戲園街口開張 一在新嘉坡小坡直街廣茂
生號寄售 一在芙蓉埠廣生號寄售 一在吉隆坡恒棧號寄售
大清光緒廿四年六月廿九日 時雨軒主人謹啓

新到上等機器油

啓者茲本行有新到之
機器油一種此油乃上
等之貨所有輪船火礮
火鋸及一切機器如用
此油者較於卑麻油實
有過之且其價值較卑
麻油爲廉每担約少三
四元之譜 諸商有欲
購用此油者可至本行
取其油辦試之即能知
其妙處更可以見本行
之語非虛也特此佈告
大英一千八百九十八
年八月十八號 中
翰珍目兄弟公司謹啟

新印台灣地圖寄售

○啟者茲有新印之臺灣地圖精細異常經緯度數井然不紊所謂羅千里於咫尺者目今台事戰爭未已有正人心所宜亟爲攷究者 諸君賜顧請移玉至本館面商可也 大清光緒二十四年五月十三日 本館謹啟

店舖出稅

○啟者茲有店舖一間坐落溝仔墘第廿五號門牌即順源棧之隣前經該棧稅爲貨棧者茲欲將其樓下及後樓出稅與諸君有欲稅住者請至墊那路頭豐興號內向余詢問便得特此佈聞 光緒廿二年十月廿四日 薛連錫謹啟

豐源號輪船

本號輪船往來各埠船期開列如左 在各埠往實叻日期
由麻六甲往芙蓉每逢禮拜二六日中午十一點鐘開行
由芙蓉往吉隆坡每逢禮拜一五日下午四點鐘開行
由芙蓉往吉隆坡每逢禮拜二六日下午六點鐘開行
由各埠回實叻之日
由麻六甲回芙蓉每逢禮拜二五日上午十點鐘開行
由芙蓉回實叻每逢禮拜二四日下午四點鐘開行
由麻六甲回實叻每逢禮拜二五日下午四點鐘開行

源號

各輪船在叻往麻六甲吉隆坡實蘭午 等禮拜五日三點鐘開行特此佈
豐源號謹啟

正金鐘標萬蘭池酒發客



啓者本公司所督辦正金花鐘標萬蘭池酒久已馳名叻地諸華商均喜用之現已議定與本坡酒公司包辦以應零沽凡華籍諸君有欲零沽者請至酒公司沽買便得如買成起以便配往外處者仍可至本行沽買至此酒

本行有厚望焉

大英一千八百九十八年正月十三號

不殺呼峇即前加珍洋行謹啟

製造之法精妙異常酒味甚清以之蒸釀者皆爲上等之料保無偽充之弊此酒若在本坡沽飲甚屬合宜且價亦甚廉用須翁沽用須爲留心辨明以免魚珠之混現

新嘉坡嘉祖辦專
嘉坡嘉祖辦專
嘉坡嘉祖辦專

不殺呼峇即前加珍洋行謹啟

紅首冠仔標萬蘭池酒出售

啓者本公司所製之紅首冠仔標萬蘭池酒馳名已久乃在歐洲名家所製自一千八百一十九年相傳至今已閱八十年之久而其酒有收存數十年方肯出而沽賣蓋者其熱氣概已全消所以諸君沽飲者均深獎譽現在歐洲一帶各國之人無不喜飲此酒因其氣味清香遠勝於他酒故也是以本行辦此酒來叻發售自此酒到叻而後凡沽飲者無不盛稱其美且此酒與本坡天氣甚屬合宜諸翁賜顧祈細心辨認紅頭庄及以上所列各票頭并有來士古乙拿模只公司等西字爲憑庶免爲魚珠之混是所切盼



Bisquit Dubouche & Co.
COGNAC

大英一千八百九十七年二月十二號


不殺呼峇即前加珍洋行謹啟

戊戌年成月份牌發客

啓者本館新印戊戌年華英月份牌現經告竣至本年刷印所以畧遲之書實緣明年晦朔節氣頗有參差本館鑒於前年叻地諸家之誤故有敢冒昧從事爰特按照欽定時憲由詳加校勘所有差餘氣節悉無訛舛庶得以仰副諸君子惠顧之殷至於圖畫之式亦已概改舊觀以期一新眼目諸君賜顧請移玉至本館面議價其相宜倘欲躉買更當格外從廉特此奉聞諸惟惠照

本館謹啓

鐵廚出售




啓者本行所售之鐵廚在本坡馳名已久素蒙各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極爲善本坡所有西人齊習人以及作椒蜜生烟諸華商多向本行沽買以爲貯銀之用因本行所沽者均用頂上物料製造而成不惟能壯觀瞻而且異常堅固無論火燒盜劫均可無虞貨美價廉莫此爲甚倘各君有欲購此廚以收藏重寶者可至本行選閱是幸此佈

大英一千八百九十八年正月十三號

不殺呼峇公司即前加珍洋行啟

蜜酒出賣



啟者茲本行由歐洲辦到上等蜜酒來叻發售其酒甚佳茲將標頭印出 諸君光顧所為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶瓏 泗里末 望加錫 檳榔嶼 日裡等處其他埠均能運往並此佈聞
大英一千八百九十八年正月一號
光緒廿三年十二月十八日

明嗎也洋行謹啟

烏密酒發賣



啟者本行向由英國督辦各種美酒來叻發售久已遐邇馳名茲復由英新辦到頂爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酌飲者請至本行取用可也此佈
英一千八百九十八年正月一號
光緒廿三年十二月十八日
明嗎也洋行謹啟

法國頂上蜂窠標萬蘭池酒發客



敬啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至惠臨購買是幸
英一千八百九十八年正月一號
大清光緒廿三年十二月十八日
明嗎也洋行謹啟


明嗎也洋行謹啟

馳名鐵廚發售



嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為 諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購賣此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固耐用
有優劣之分至於各廚大小不一而價值則由一百元至四百元凡用之者可保其不礙焚燒即火災亦無所損本行之鐵廚實為叻坡諸華商所喜購而本行每年所沽亦殊不鮮茲特為之錄佈倘 諸君有惠顧者祈即玉臨選購為盼
大英一千八百九十八年正月一號
大清光緒二十三年十二月十八日

明嗎也洋行謹啟



明嗎也洋行謹啟

三品出品



啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君購買本行白頭三品酒者請細認本號招牌之內有小紙包頭註明華字新嘉坡明嗎也公司者始真若無此字樣即屬偽冒請為細認特此佈告
大英一千八百九十八年正月一號
明嗎也洋行謹啟

明嗎也洋行謹啟

